

## БАЙРИН АСХН

Совхозин клубт эндр  
Соньн нәр болджана.  
Байрин уктл кедж  
Багъчуд олар  
джиргъджәнә.

Көгтә домбран авад  
Күүкн Ногъала цокв.  
Хаджудк хойр көвүнь  
Хувцан ясад босв.  
Делдж гаран өргәд  
Домбрин айсар дошв.  
Тулдж ишкәд, мольждад,  
Тохстн мет цувлдв.  
Мандж көвүн хәләчкәд  
Мактал хайдж сүрәлкв.  
Көгтә домбрин айсла  
Келсн макталнь негдв.  
Хальмг хойр көвүг  
Хәләдж әмтн гәәхв.  
Ачта хойр биичиг  
Альх ташдж йөрәв.

Биич көвүд зогсад  
Бәярән олдж сууцхав.  
Баян авад Мандж  
Бернинь эвлдж дарв.  
Джисәрсн вальс айс  
Джиньндж клубиг дүүргв.  
Джиргъләр кеерсн багъчуд  
Дегц босдж биилцхәв.  
Домбр, баяна әәг  
Дууна айсмуд сольв.  
Төрскн орн-нутган  
Тер дуундан магтцхав.  
Олн хурсн асхн  
Ора күртл болв.  
Ду, би, наадн  
Дегц энд гарв.  
Джиргълин сәәхн асхн.  
Джигтә багъ насн.  
Манъгъс ик диилврмүд  
Манъгъдур бәрхнь лавта.